



文選正文

山子點

一

^ 16
3344
2



門 16
號 3344
卷 2

浮田花書

昭41年12月20日寄
原字三郎氏贈

41- 9190

文選正文卷之四

南郭先生句讀 兼山先生國讀

門人葛山壽校

後學久保謙重訂

賦類

兩都賦序

班固

或曰賦者古詩之流也昔成康沒而頌聲寢王澤竭而詩不
作大漢初定日不暇給至於武宣之世乃崇禮官考文章內
設金馬石渠之署外興樂府協律之事以興廢繼絕潤色鴻
業是以衆庶悅豫福應尤盛白麟赤鴈芝房寶鼎之歌薦於
郊廟神雀五鳳甘露黃龍之瑞以為年紀故言語侍從之臣
若司馬相如虞丘壽王東方朔枚臯王褒劉向之屬朝夕論
思日月獻納而公卿大臣御史大夫倪寬太常孔臧大中大夫

文選正文卷之四

兩都賦序

夫董仲舒宗正劉德太子太傅蕭望之等時時間作或以抒
下情而通諷諭或以宣上德而盡忠孝雍容揄揚著於後嗣
抑亦雅頌之亞也故孝成之世論而錄之蓋奏御者千有餘
篇而後大漢之文章炳焉與三代同風且夫道有夷隆學有
麤密因時而建德者不以遠近易則故阜陶歌虞奚斯頌魯
同見采於孔氏列於詩書其義宜也稽之士古則如彼考之
漢室又如此斯事雖細然先臣之舊式國家之遺美不可闕
也臣竊見海內清平朝廷無事京師修宮室浚城隍而起苑
囿以備制度西土耆老咸懷怨思冀上之睠顧而盛稱長安
舊制有陋洛邑之議故臣作兩都賦以極衆人之所眩曜折
以今之法度辭曰

西都賦

有西都實問於東都主人曰蓋聞皇漢之初經營也嘗有意
乎都河洛矣輟而弗康寔用西遷作我上都主人聞其故而
觀其制乎主人曰未也願賓摠懷舊之蓄念發思古之幽情
博我以皇道弘我以漢京賓曰唯唯漢之西都在於雍州寔
曰長安左據函谷二嶠之阻表以太華終南之山右界褒斜
隴首之險帶以洪河涇渭之川衆流之隈汧涌其西華實之
毛則九州之上腴焉防禦之阻則天地之隩區焉是故橫被
六合三成帝畿周以龍興秦以虎視及至大漢受命而都之
也仰悟東井之精俯協河圖之靈奉春建策留侯演成大人
合應以發皇明乃眷西顧寔惟作京於是睠秦嶺賦北阜挾

灃灃據龍晉圖皇基於億載度宏規而大起肇自高而終平
世增飾以崇麗歷十二之延祚故窮泰而極侈建金城之萬
雉呀周池而成淵披三條之廣路立十之通門內則街衢
洞達閭閻且千九市開場貨別隧分人不得顧車不得旋闔
城溢郭旁流百塵紅塵四合煙雲相連於是既庶且富娛樂
無疆都人士女殊異乎五方遊士擬於公侯列肆侈於姬姜
鄉曲豪舉遊俠之雄節慕原嘗各亞春陵連交合眾騁鷲乎
其中若乃觀其四郊浮遊近縣則南望杜霸北眺五陵名都
對郭邑居相承英俊之域級冕所興冠蓋如雲七相五公與
平州郡之豪傑五都之貨殖三選七遷充奉陵邑蓋以強幹
弱枝隆上都而觀萬國也封畿之內厥上千里卓犖諸夏兼

其所有其陽則崇山隱天幽林窮谷陸海珍藏藍田美玉商
洛緣其隈鄠杜濱其足源泉灌注陂池交屬竹林果園芳草
甘木郊野之富號爲近蜀其陰則冠以九嶷陪以甘泉乃有
靈宮起乎其中秦漢之所極觀淵雲之所頌歎於是乎存焉
下有鄭白之沃衣食之源提封五萬疆場綺分溝塍刻鏤原
隰龍鱗決渠降雨荷插成雲五穀垂穎桑麻鋪荼東郊則有
通溝大漕潰渭洞河泛舟山東控引淮湖與海通波西郊則
有上面禁苑林麓藪澤陂池連乎蜀漢繚以周牆四百餘里
離宮別館三十六所神池靈沼往往而在其中乃有九真之
麟大苑之馬黃支之犀條枝之鳥踞岷嶷越巨海殊方異類
至於三萬里其宮室也體象乎天地經緯乎陰陽據坤靈之

正位放大紫之圓方樹中天之華闕豐冠山之朱堂因瓌材
而究奇抗應龍之虹梁列棼椽以布翼荷棟桴而高躐雖玉
璜以居檻裁金壁以飾墻發五色之渥彩光焰朗以景彰於
是左城右平重軒三階闈房周通門闕洞開列鐘虞於中庭
立金人於端闈仍增崖而衝闕臨峻路而啓扉狗以離宮別
寢承以崇臺間館煥若列宿紫宮是環清涼宜溫神仙長年
金華玉堂白虎麒麟區宇若茲不可殫論增盤崔嵬登降炤
爛殊形詭制每各異觀乘茵步輦惟所息寔後宮則有掖庭
椒房后妃之室合歡增城安處常寧萑若椒風披香發越蘭
林蕙草鴛鴦飛翔之列昭陽特盛隆於孝成屋不呈材牆不
露形衰以藻繡絡以綸連隨侯明月錯落其間金釵銜壁是

爲列錢翡翠火齊流耀含英懸黎垂棘夜光在焉於是玄墀
鉅砌玉階彤庭硬碱綵緞琳珉青燧珊瑚碧樹周阿而生紅
羅颯纏綺組續紛精曜華燭俯仰如神後宮之號十有四位
窈窕繁華更盛迭貴處乎斯列者蓋以百數左有庭中朝堂
百寮之位蕭曹魏邴謀謨乎其上佐命則垂統輔翼則成化
流大漢之愷悌盪亡秦之毒螫故令斯人揚樂和之聲作畫
一之歌功德著乎祖宗膏澤洽乎黎庶右有天祿石渠典籍
之府命夫惇誨故老名儒師傅講論乎六藝稽合乎同異又
有承闕金馬著作之庭大雅宏達於茲爲羣元元本本殫見
洽聞啓發篇章按理祕文周以鉤陳之位衛以嚴更之署總
禮官之甲科羣百郡之廉孝虎賁贅衣闈尹闕寺陞戟百重

各有典司。周廬千列。微道綺錯。輦路經營。脩除飛閣。自未央而連桂宮。北彌明光。而且長樂。陵塏道而超西墉。混建章而連外屬。設壁門之鳳闕。上觚稜而棲金爵。內則別風。嶠嶮眇麗巧。而聳擢張千門。而立萬戶。順陰陽以開闔。爾乃正殿崔嵬。層構厥高。臨乎未央。經驗盪而出。馭娑洞杵。詣以與天梁。上反宇以蓋戴。激日景而納光。神明鬱其特起。遂偃蹇而上。躡躡雲雨於太半。虹霓迴帶於焚眉。雖輕迅與標。狡猶憚。貽而不能階。攀井幹而未半。目眩轉而意迷。捨櫺檻而却倚。若顛墜而復稽。竄怳怳以失度。巡迴塗而下。低旣懲懼於登望。降周流以傍徨。步甬道以縈紆。又杳窅而不見陽。排飛闥而上。出若遊日於天表。似無依而洋洋。前唐中而後太液。覽滄

海之湯湯。揚波濤於碣石。激神嶽之嵒嵒。瀛洲與方壺。蓬萊起乎中央。於是靈草冬榮。神木叢生。巖峻峭崿。金石崢嶸。抗仙掌以承露。擢雙立之金莖。軼埃壒之混濁。鮮顯氣之清英。騁文成之不誕。馳五利之所刑。庶松喬之羣類。時遊從乎斯庭。實列仙之攸館。非吾人之所寧。爾乃盛娛遊之壯觀。奮秦武乎上囿。因茲以威戎。夸狄耀威靈。而講武事。命荊州使起烏詔。梁野而驅獸。毛羣內闐。飛羽上覆。接翼側足。集禁林而屯聚。水衡虞人。修其營表。種別羣分部。曲有署。采網連絃。籠山絡野。列卒周匝。星羅雲布。於是乘鑿輿。備法駕。帥羣臣披飛廉。入苑門。遂繞鄠鄠。歷上蘭。六師發逐。百獸駭。殫震震。燐燐雷奔。電激草木。塗地山淵。反覆蹂躪。其十二三。乃初怒。

而少息爾乃期門飲飛列刃攢鏃要訣追蹤鳥驚觸絲獸駭
值鋒機不虛倚弦不再控矢不單殺中必豐雙颺颺紛紛增
繳相纏風毛雨血灑野蔽天平原赤勇士厲援狄失木豺狼
懾竄爾乃移師趨險並躡潛穢窮虎奔突狂兇觸蹶許少施
巧秦成力折倚僥狡扼猛噬脫角挫胆徒搏獨殺挾師豹拖
熊螭曳犀豨頓象罷超洞壑越峻岨巖巨石頽松柏仆
叢林摧草木無餘禽獸殄夷於是天子乃登屬玉之館歷長
楊之樹覽山川之體勢觀二軍之殺獲原野蕭條日極四裔
禽相鎮壓獸相枕藉然後收禽會衆論功賜卮陳輕騎以行
魚騰酒車以斟酌割鮮野食舉烽命爵饗賜畢勞逸齊大輅
鳴鑾容與徘徊集乎豫章之宇臨乎昆明之池左牽牛而右

織女似雲漢之無涯茂樹蔭蔚芳草被隄蘭茝發色擘擘猗
猗若摘錦與布繡燭耀乎其岐鳥則玄鶴白鷺黃鸝鸚鵡鷓鴣
鵝鵠鴝鳧鷺鴻鴈朝發河海夕宿江漢沈浮往來雲集霧散
於是後宮乘輶輅登龍舟張鳳蓋建華旗祛黼帷鏡清流靡
微風滄淡浮櫂女謳鼓吹震聲激越管厲人鳥羣翔魚窺淵
招白鵬下雙鷗掄文竿出比目撫鴻罾御矰繳方舟並驚倪
仰極樂遂乃風舉雲搖浮遊溥覽前乘秦嶺後越九峻東薄
河華西涉岐雍宮館所歷百有餘區行所朝夕儲不改供禮
上下而接山川究休佑之所用采遊童之歡謠第從臣之嘉
頌於斯之時都都相望邑邑相屬國籍十世之基家承百年
之業士食舊德之名氏農服先疇之畝畝商脩族世之所鬻

上用高曾之規矩。粲乎隱隱。各得其所。若臣者。徒觀迹於舊壚。聞之乎故老。十分未得其一端。故不能徧舉也。

東都賦

東都主人喟然而歎曰。痛乎。風俗之移人也。子實秦人。矜誇館室。保界河山。信識昭襄。而知始皇矣。焉覩大漢之云爲乎。夫大漢之開元也。奮布衣以登皇位。由數筭而創萬代。蓋六籍所不能談。前聖靡得而言焉。當此之時。功有橫而當天。討有逆而順民。故婁敬度勢而獻其說。蕭公權宜而拓其制。時豈泰而安之哉。計不得以已也。吾子曾。不是睹顧。曜後嗣之末造。不亦暗乎。今將語子以建武之治。永平之事。監於太清。以變子之惑志。往者王莽作逆。漢祚中缺。天人致誅。六合相

滅。于時之亂。生民幾亡。鬼神泯絕。壑無完柢。邪罔遺室。原野厭人之肉。川谷流人之血。秦項之災。猶不克半。書契以來。未之或紀。故下人號而上訴。上帝懷而降監。乃致命乎聖皇。於是聖皇乃握乾符。闡坤珍。披皇圖。稽帝文。赫然發憤。應若興雲。靈擊昆陽。憑怒雷震。遂超大河。跨北嶽。立號高邑。建都河洛。紹百王之荒屯。因造化之盪滌。體元立制。繼天而作。采唐統。接漢緒。茂育羣生。恢復疆宇。勳兼乎在昔。事勤乎三五。豈特方軌竝跡。紛綸后辟。治近古之所務。蹈一聖之險易。云爾。且夫建武之元。天地革命。四海之內。更造夫婦。肇有父子。君臣初建。人倫寔始。斯乃伏羲氏之所以基皇德也。分州土。立市朝。作舟輿。造器械。斯乃軒轅氏之所以開帝功也。龔行天

○罰○應○天○順○人○斯○乃○湯○武○之○所○以○昭○王○業○也○遷○都○改○邑○有○殷○宗○
○中○興○之○則○焉○卽○土○之○中○有○周○成○隆○平○之○制○焉○不○階○尺○土○一○人○
○之○柄○同○符○乎○高○祖○克○已○復○禮○以○奉○終○始○允○恭○乎○孝○文○憲○章○稽○
○古○封○岱○勒○成○儀○炳○乎○世○宗○按○六○經○而○按○德○耿○古○昔○而○論○功○仁○
○聖○之○事○旣○該○而○帝○王○之○道○備○矣○至○於○永○平○之○際○重○熙○而○累○洽○
○盛○三○雍○之○上○儀○修○袞○龍○之○法○服○鋪○鴻○藻○信○景○鏢○揚○世○廟○正○雅○
○樂○神○人○之○和○允○洽○羣○臣○之○序○旣○肅○乃○動○大○輅○遵○皇○衢○省○方○巡○
○狩○窮○覽○萬○國○之○有○無○考○聲○教○之○所○被○散○皇○明○以○燭○幽○然○後○增○
○周○舊○修○洛○邑○扇○巍○巍○顯○翼翼○光○漢○京○於○諸○夏○總○八○方○而○爲○之○
○極○是○以○皇○城○之○內○宮○宰○光○明○闕○庭○神○麗○奢○不○可○踰○儉○不○能○侈○
○外○則○因○原○野○以○作○苑○塹○流○泉○而○爲○沼○發○蘋○藻○以○潛○魚○豐○圃○草○

以毓獸制同乎梁鄒詒合乎靈囿若乃順時節而蒐狩簡車
徒以講武則必臨之以王制考之以風雅歷騶虞覽駟騏嘉
車攻采吉日禮官整儀乘輿乃出於是發鯨魚鏗華鐘登玉
輅乘時龍鳳蓋焚麗龕鑿玲瓏天官景從寢威威容山靈護
野屬御方神雨帥泛灑風伯清塵千乘雷起萬騎紛紜元戎
竟野戈鋌彗雲羽旄掃霓旌旗拂天焱焱炎炎揚光飛文吐
爛生風欲野歆山日月爲之奪明丘陵爲之搖震遂集乎中
囿陳師案屯駢部曲列校隊勒三軍誓將帥然後舉烽伐鼓
申令三驅輕車霆激驍騎電驚山基發射范氏施御弦不睨
禽鸞不詭遇飛者不及翔走者不及去指顧倏忽獲車已實
樂不極盤殺不盡物馬踰餘足士怒未涿先驅復路屬車按

節於是薦三犧效五牲禮神祇懷百靈觀明堂臨辟雍揚緝
熙宣皇風登靈臺考休徵俯仰乎乾坤參象乎聖躬日中夏
而布德瞰四裔而抗稜西濫河源東澹海濬北動幽崖南曜
朱垠殊方別區界絕而不鄰自孝武之所不征孝宣之所未
臣莫不陸華水僕奔走而來賓遂綏哀牢開永昌春王三朝
會同漢京是日也天子受四海之圖籍膺萬國之貢珍內撫
諸夏外綏百蠻爾乃盛禮典樂供帳置乎雲龍之庭陳百寮
而贊羣后究皇儀而展帝容於是庭實千品旨酒萬鍾列金
罍班玉觴嘉珍御太牢饗爾乃食舉雍徹太師奏樂陳金石
布絲竹鐘鼓鏗鈞管絃擘煜抗五聲極六律歌九功舞八佾
韶武備泰古卑四夷間奏德廣所及傑休堯離罔不具集萬

樂備百禮暨皇歡浹羣臣醉降烟燼調元氣然後撞鐘告罷
百僚遂退於是聖上觀萬方之歡娛又沐浴於膏澤懼其侈
心之將萌而怠於東作乃申舊章下明詔命有司班憲度昭
節儉示太素去後宮之麗飾損乘輿之服御抑工商之淫業
興農桑之盛務遂令海內棄末而反本背僞而歸真女修織
紉男務耕耘器用陶匏服尚素玄耻纖美而不服賤奇麗而
不珍捐金於山沈珠於淵於是百姓滌瑕盪穢而鏡至清形
神寂寞耳目不營嗜欲之源滅廉耻之心生莫不優游而自
得玉潤而金聲是以四海之內學校如林庠序盈門獻酬交
錯俎豆莘莘下舞上歌蹈德詠仁登降飲宴之禮既畢因相
與嗟歎玄德謙言弘說咸含和而吐氣頌曰盛哉乎斯世今

論者但知誦虞夏之書詠殷周之詩講義文之易論孔氏之
春秋罕能精古今之清濁究漢德之所由唯子頗識舊典又
徒馳騁乎末流溫故知新已難而知德者鮮矣且夫僻界西
戎險阻四塞修其防禦孰與處乎土中平夷洞達萬方輻輳
秦嶺九嶷涇渭之川曷若四瀆五嶽帶河沂洛圖書之淵建
章甘泉館御列仙孰與靈臺明堂統和天人太液昆明鳥獸
之囿曷若辟雍海流道德之富游俠踰侈犯義侵禮孰與同
履法度翼翼濟濟子徒習秦阿房之造天而不知京洛之有
制識函谷之可關而不知王者之無外主人之辭未終西都
賓豐然失容逡巡降階揅然意下捧手欲辭主人曰復位今
將授子五篇之詩賓既卒業乃稱曰美哉乎斯詩義正乎揚

明堂詩

雄事實乎相如匪唯主人之好學蓋乃遭遇乎斯時小子狂
簡不知所裁既聞正道請終身而誦之其辭曰
於昭明堂明堂孔陽聖皇宗祀穆穆煌煌上帝宴饗五位時
序誰其配之世祖光武普天率土各以其職猗歟緝熙允懷
多福

辟雍詩

乃流辟雍辟雍湯湯聖皇涖止造舟爲梁皤皤國老乃父乃
兄抑抑威儀孝友光明於赫太上示我漢行洪化唯神永觀
厥成

靈臺詩

乃經靈臺靈臺既崇帝勤時登爰考休徵三光宣精五行布
序習習祥風祁祁甘雨百穀蓁蓁庶草蕃庶屢惟豐年於皇
樂胥

寶鼎詩

嶽修貢兮川效珍吐金景兮歆浮雲寶鼎見兮色紛紜煥其
炳兮被龍文登祖廟兮享聖神昭靈德兮彌億年

白雉詩

啟靈篇兮披瑞圖獲白雉兮效素鳥嘉祥阜兮集皇都發皓
羽兮奮翹英容潔朗兮於淳精彰皇德兮侔周成永延長兮
膺天慶

西京賦

張衡

有憑虛公子者心多體怵雅好博古學乎舊史氏是以多識
前代之載言於安處先生曰夫人在陽時則舒在陰時則慘
此率乎天者也處沃土則逸處瘠土則勞此繫乎地者也慘
則慙於歡勞則褊於惠能違之者寡矣小必有之大亦宜然
故帝者因天地以致化兆民承上教以成俗化俗之本有與
推移何以覈諸秦據雍而強周即豫而弱高祖都西而秦光
武處東而約政之興衰常由此作先生獨不見西京之事歟
請爲吾子陳之漢氏初都在渭之涘秦里其朔寔爲咸陽左
有峭函重險挑林之塞綴以二華巨靈負高掌遠蹠以流
河曲厥跡猶存右有隴坻之隘隔閔華戎岐梁汧雍陳寶鳴
雞在焉於前則終南太一隆崛崔嵬隱赫鬱律連岡乎嶧冢

抱杜含鄠飲灃吐鎬爰有藍田珍玉是之自出於後則高陵
平原據涓踞涇潭漫靡迤作鎮於近其遠則有九峻甘泉涸
陰沍寒日北至而含凍此焉清暑爾乃廣衍沃野厥田上上
寔爲地之奧區神臯昔者大帝悅秦繆公而覲之饗以鈞天
廣樂帝有醉焉乃爲金策錫用此土而翦諸鶉首是時也並
爲強國者有六然而四海同宅西秦豈不詭哉自我高祖之
始入也五緯相汁以旅於東井婁敬委輅幹非其議天啓其
心人基之謀及帝圖時意亦有慮乎神祇宜其可定以爲天
邑豈伊不虔思於天衢豈伊不懷歸於枌榆天命不滔疇敢
以渝於是量徑輪考廣袤經城血管郭郭取殊裁於八都豈
稽度於往舊爾乃覽秦制跨周法狹百堵之側陋增九筵之

迫脅正紫宮於未央表蕘闕於閭闔疏龍首以抗殿狀鬼戕
以岌業亘雄虹之長梁結芬椽以相接帶倒茄於藻井披紅
葩之狎獵飾華棖與璧璫流景曜之曄曄彫楹玉砌繡栴雲
楣三階重軒鏤檻文樞右平左城青瑣丹墀刊層平堂設切
厓隙坻嶸鱗珣棧澎嶸嶮襄岸夷塗脩路峻險重門襲固彘
宄是防仰福帝居陽曜陰藏洪鐘萬鈞猛虜邁邁負筍業而
餘怒乃奮翅而騰驤朝堂承東溫調延北西有玉臺聯以昆
德差我建業罔識所則若夫長年神仙宣室玉堂麒麟朱鳥
龍興含章譬衆星之環極叛赫戲以輝煌正殿路寢用朝羣
辟大厦耽耽九戶開闢嘉木樹庭芳草如積高門有闕列坐
金狄內有常侍謁者奉命當御外有蘭臺金馬遮宿迭居次

有。天。祿。石。渠。投。文。之。處。重。以。虎。威。章。溝。嚴。更。之。署。微。道。外。周。
千。廬。內。附。衛。尉。八。屯。警。夜。巡。晝。植。鍛。懸。殿。用。戒。不。虞。後。宮。則。
昭。陽。飛。翔。增。成。合。歡。蘭。林。披。香。鳳。凰。駕。鸞。羣。窈。窕。之。華。麗。嗟。
內。顧。之。所。觀。故。其。館。室。次。舍。采。飾。織。綺。裊。以。藻。繡。文。以。朱。綠。
翡翠。火。齊。絡。以。美。玉。流。懸。黎。之。夜。光。綴。隨。珠。以。爲。燭。金。凡。玉。
階。彤。庭。輝。輝。珊瑚。琳。碧。瑀。珉。璘。彬。珍。物。羅。生。煥。若。崑。崙。雖。厥。
裁。之。不。廣。侈。靡。踰。乎。至。尊。於。是。鉤。陳。之。外。閣。道。穿。隆。屬。長。樂。
與。明。光。徑。北。通。于。桂。宮。命。般。爾。之。巧。匠。盡。變。態。乎。其。中。於。是。
後。宮。不。移。樂。不。徙。懸。門。備。供。帳。官。以。物。辦。恣。意。所。幸。下。輦。成。
燕。窮。年。忘。歸。猶。弗。能。徧。瑰。異。日。新。殫。所。未。見。惟。帝。王。之。神。麗。
懼。尊。卑。之。不。殊。雖。斯。宇。之。旣。坦。心。猶。憑。而。未。攄。思。比。象。於。紫。

微。恨。阿。房。之。不。可。廬。謁。往。昔。之。遺。館。獲。林。光。於。秦。餘。處。甘。泉。
而。爽。塏。乃。隆。崇。而。弘。敷。旣。新。作。於。迎。風。增。露。寒。與。儲。香。託。喬。
基。於。山。岡。直。帶。寬。以。高。居。通。天。諺。以。竦。峙。徑。百。常。而。莖。擢。上。
辨。萃。以。交。紛。下。刻。隋。其。若。削。翔。鶴。仰。而。弗。逮。况。青。鳥。與。黃。雀。
伏。櫺。檻。而。頰。聽。聞。雷。霆。之。相。激。柏。梁。旣。災。越。巫。陳。方。建。章。是。
經。用。厭。火。祥。管。宇。之。制。事。兼。未。央。闕。竦。以。造。天。若。雙。碣。之。
相。望。鳳。騫。翥。於。薨。標。咸。逆。風。而。欲。翔。聞。闔。之。內。別。風。噍。噍。何。
工。巧。之。瑰。璋。交。綺。豁。以。疏。察。干。雲。霧。而。上。逢。狀。亭亭。以。岌。岌。
神。明。嘯。其。特。起。井。幹。疊。而。百。增。峙。遊。極。於。浮。柱。結。重。縈。以。相。
承。累。層。構。而。遂。隣。望。北。辰。而。高。興。消。零。埃。於。中。宸。集。重。陽。之。
清。激。瞰。宛。虹。之。長。鬢。察。雲。師。之。所。憑。上。飛。闔。而。仰。眺。正。覩。瑤。

光與玉繩將乍往而未半怵悼慄而聳兢非都盧之輕趨孰
能超而究升馭姿駘盪燾昇枯榮怗詣承光睽眾序豁增桴
重焚鐸鐸列列反宇業業飛檐轆轤流景內照引曜日月天
梁之宮寔開高闈旗不脫肩結駟方斬棟輻輳容於一扉
長廊廣廡連閣雲蔓閉庭詭異門千戶萬重閨幽闔轉相逾
延望竄條以經廷眇不知其所返既乃珍臺蹇產以極壯澄
道邏倚以正東似聞風之遐坂橫西洫而絕金墉城尉不弛
柝而內外潛通前開唐中欄望廣濶顧臨太液滄池滌沆漸
臺立於中央赫眈眈以弘敞清淵洋洋神山峩峩列瀛洲與
方丈夾蓬萊而駢羅上林岑以壘靠下嶄巖以崑崙長風激
於別隄起洪濤而揚波浸石齒於重涯濯靈芝以朱柯海若

游於玄渚鯨魚失流而蹉跎於是采少君之端信庶樂大之
貞固立修莖之仙掌承雲表之清露屑瓊藥以朝餐必性命
之可度美往昔之松喬要羨門乎天路想升龍於鼎湖豈時
俗之足慕若歷世而長存何遽管乎陵墓徒觀其城郭之制
則旁開三門參塗夷庭方軌十一街衢相經塵里端直薨宇
齊平北闕甲第當道直啓程巧致功期不弛侈木衣綈錦土
被朱紫武庫禁兵設在蘭綺匪石匪董疇能宅此爾乃廓開
九市通闈帶闈旗亭五重俯察百隧周制大胥今也惟尉瓌
貨方至鳥集鱗萃鬻者兼贏求者不匱爾乃商賈百族禱販
夫婦鬻良雜苦虫眩邊鄙何必昏於作勞邪羸優而足恃彼
肆人之男女麗美奢乎許史若夫翁伯濁質張里之家擊鐘

鼎食連騎相過東京公侯壯何能加都邑遊俠張趙之倫齊志無忌擬跡出文輕死重氣結黨連羣是蕃有徒其從如雲及陵之原陽陵之朱趨悍虓豁如虎如貍睚眦薑芥屍僵路隅丞相欲以贖子罪陽石汚而公孫誅若其五縣遊麗辯論之士街談巷議彈射臧否剖析毫釐摩肌分理所好生毛羽所惡成瘡痂郊甸之內鄉邑殷賑五都貨殖既遷既引商旅聯榻隱隱展展冠帶交錯方輅接軫封畿千里統以京尹郡國宮館百四十五右極盤屋并卷鄠鄂左暨河華遂至號土上林禁苑跨谷彌阜東至鼎湖斜界細柳掩長楊而聯五柞繞黃山而款牛首繚垣繚聯四百餘里植物斯生動物斯止衆鳥翩翻羣獸駘駘散似驚波聚似京峙伯益不能名隸首

不能紀林麓之饒于何不有木則樅栝樓楠梓栝槲楓嘉卉灌叢蔚若鄧林鬱翁蔓葍櫛爽櫛慘吐葩颺榮布葉重陰草則歲莎菅蒯微蕨荔芡王荔蒲臺戎葵懷羊果蓴蓬茸彌阜被岡篠簞敷衍編町成篁山谷原隰泱泱無疆迺有昆明靈沼黑水玄泄周以金堤樹以柳杞豫章珍館揭焉中峙牽牛立其左織女處其右日月於是乎出入象扶桑與濛汜其中則有鼉鼉巨鼉鱣鯉鱖鮪鮓鮓鮓鮓脩額短項大口折鼻詭類殊種鳥則鸚鵡鴟鴞鴛鴦鴻鸚上春候來季秋就溫南翔衡陽北棲鴈門奮隼歸鳧沸卉研甸衆形殊聲不可勝論於是孟冬作陰寒風肅殺雨雪飄飄冰霜慘烈百卉具零剛蟲搏摯爾乃振天維衍地絡蕩川瀆簸林薄鳥畢駭獸咸作草

伏木棲寓居穴託起彼集此霍繹紛泊在彼靈囿之中前後
無有垠鏗虞人掌焉爲之營城焚萊平場柞木剪棘結百
里遠杜踐塞鹿鹿慶慶駢田偏人天子乃駕雕軫六駿駁載
翠帽倚金較璿弁玉纓遺光儵燿建玄弋樹招搖棲鳴鳶曳
雲梢弧旌枉矢虹旃峴旄華蓋承辰天畢前驅千乘雷動萬
騎龍趨屬車之遙載獫狁獯匪惟翫好廼有秘書小說九百
本自虞初從容之求寔俟寔儲於是蚩尤秉鉞奮鬣被殷祭
禦不若以知神姦魑魅蝸蝸莫能逢旃陳虎旅於飛廉正壘
壁乎上蘭結部曲整行伍燎京新馘雷鼓縱獵徒赴長林迺
卒清候武士赫怒緹衣韎韐睢盱拔扈光炎燭人庭頤聲震
海浦河渭爲之波盪吳嶽爲之陔堵百禽悽遽駭瞿奔觸喪

精亡蒐失歸忘趨投輪關輻不邀自遇飛罕瀟飈流鏑擣擗
矢不虛舍鈇不荷躍當足見蹶值輪被轢僵禽斃獸爛若磧
磔但觀且羅之所縶結竿艾之所挫畢又族之所攬擒徒搏
之所撞搯白日未及移晷已獮其十七八若夫遊鶴高翮絕
阮踰序龔兔聯猿陵巒超壑比諸東郭莫之能獲乃有迅羽
輕足尋景追括鳥不暇舉獸不得發青散擊於韞下韓盧噬
於絲末及其猛毅鬚鬚隅目高睨威懾兕虎莫之敢仇乃使
中黃之士育獲之儔朱鬣蠶髮植髮如竿袒裼戟手奎躡盤
桓鼻赤象圈巨挺墟狒狒批獾後措枳落突棘藩梗林爲之
靡拉孽叢爲之摧殘輕銳僇狡趨捷之徒赴洞穴探封狐陵
車嶽獵昆駘杪木末獲獬狢超殊榛帶飛鷲是時後宮嬖人

昭儀之倫常亞於乘輿慕賈氏之如臯樂北風之同車盤于
遊岐其樂只且於是鳥獸殫日觀窮遷延邪睨集乎長場之
宮息行夫展車馬收禽舉爵數課衆寡置互擺牲頒賜獲肉
割鮮野饗犒勤賞功五軍六師千列百重酒車酌醴方駕授
養升觴舉燧旣醕鳴鐘膳夫馳騎察貳廉空炙包禦清醑致
皇恩溥洪德施徒御悅上忘罷巾車命駕廻旆右移懷佯乎
五柞之館旋憇乎昆明之池登豫章簡贈紅蒲且發弋高鴻
挂白鶴聯飛龍磻不特絳往必加雙於是命舟牧爲水嬉浮
鷁首翳雲芝垂翟葆建羽旗齊棹女縱櫂歌發引和按鳴葭
奏淮南度陽阿感河馮懷湘娥驚蜩蝻憚蛟蛇然後釣魴鱧
纒鯁鮒撫紫貝搏耆龜搯水豹鬣潛牛澤虞是濫何有春秋

摘溲解搜川瀆布几設罍麗操鯢鮪珍水族藻藕拔蜃蛤
剝逞欲收斂效獲麇麋摻蓼泮浪乾池滌藪上無逸飛下無
遺走獲胎拾卵蚘蜾盡取取樂今日遑恤我後旣定且寧焉
知傾陲大駕幸乎平樂之館張甲乙而襲翠被攢珍寶之玩
好紛瑰麗以參靡臨迥望之廣場程角觝之妙戲鳥獲扛鼎
都盧尋橦衝狹鷲濯胃突鈺鋒跳丸劍之揮霍走索上而相
逢羣嶽峩峩罔密參差神木靈草朱實離離總會仙倡戲豹
舞羆白虎鼓瑟蒼龍吹箎女娥坐而長歌聲清暢而蛟蛇洪
涯立而指麾被毛羽而翟襪度曲未終雲起雪飛初若飄飄
後遂霏霏復陸重閣轉石成雷礚礚激而增響磅礅象乎天
威巨獸百壽是爲蔓延神山崔巍欬從背見熊虎升而擎攫

狡狴超而高援。惟獸陸梁。大雀峻踞。白象行孕。垂鼻麟輶。海
鱗變而成龍。狀踔踔以蝮蝮。舍利颯颯。化爲仙車。驪駕四鹿。
芝蓋九葩。蟾蜍與龜。水人弄蛇。奇幻儵忽。易貌分形。吞刀吐
火。雲霧杳冥。晝地成川。流涓通涇。東海黃公。赤刀粵祝。冀厭
白虎。卒不能救。挾邪作蠱。於是不售。爾乃建戲車。樹修旃。佞
僮逞材。上下翩翩。突倒投而跟絀。譬殞絕而復聯。百馬同轡。
騁足並馳。撞未之伎。態不可彌。彎弓射乎西羌。又顧發乎鮮
卑。於是衆變盡心。醒醉盤樂。極悵悵。萃陰戒期。門微行要。屈
降尊就卑。懷璽藏紱。便旋問閭。周觀郊遂。若神龍之變化。彰
后皇之爲貴。然後歷掖庭。適歡館。捐衰色。從燕婉。促中堂之
陔坐。羽觴行而無算。祕舞更奏。妙材騁伎。妖蠱豔夫。夏姬美

聲暢於虞氏。始徐進而羸形。似不任乎羅綺。嚼清商而却轉。
增嫵媚。以此豸紛縱體而迅赴。若驚鶴之羣。羆振朱履於盤
樽。奮長袖之颯。纏要紹修態。麗服颺菁。略藐流盼。顧傾城。
緩季桑門。誰能不營列爵。十四競媚。取榮盛衰無常。惟愛所
丁。衛后興於鬢髮。飛燕寵於體輕。爾乃逞志究欲。窮身極娛。
鑿戒唐詩。他人是媮。自君作故。何禮之拘。增昭儀於婕妤。賢
既公而又侯。許趙氏以無上。思致董於有虞。王閔爭於坐側。
漢載安而不渝。高祖創業。繼體承基。誓勞永逸。無爲而治。耽
樂是從。何慮何思。多歷年所。二百餘暮。徒以地沃野豐。百物
殷阜。巖險周固。襟帶易守。得之者強。據之者久。流長則難竭。
抵深則難朽。故奢泰肆情。而馨烈彌茂。鄙生生乎三百之外。

傳聞於未聞之者。曾髣髴其若夢。未一隅之能覩此。何與於
殷人。屢遷前八而後五。居相圯耿。不常厥土。盤庚作誥。帥人
以苦。方今聖上同天號于帝皇。掩四海而爲家。富有之業。莫
我大也。徒恨不能以靡麗爲國華。獨儉嗇以齷齪忘蟋蟀之
謂。何豈欲之而不能將能之而不欲歟。蒙竊惑焉。願聞所以
辯之之說也。

東京賦

張衡

安處先生於是似不能言者。憮然有間。乃莞爾而笑曰。若客
所謂。未學膚受貴耳。而賤目者也。苟有胸而無心。不能節之
以禮。宜其陋今而榮古矣。出余以西戎孤臣。而惺穆公於宮
室。如之何其以溫故知新。研覈是非。近於此惑。周姬之末不

能厥政。政用多僻。始於宮鄰。卒於金虎。嬴氏搏翼。擇肉西邑。
是時也。七雄並爭。競相高以奢麗。楚築章華於前。趙建叢臺
於後。秦政利觜長距。終得擅場。思專其後。以莫已若。乃構阿
房。起甘泉。結雲閣。冠南山。征稅盡人力。殫然後收。以太半之
賦。威以參夷之刑。其遇民也。若雉氏之芟草。旣蘊崇之。又行
火焉。慄慄黔首。豈徒踰高天。踳厚地而已哉。乃救死於其頸。
歐以就役。唯力是視。百姓不能忍。是用息肩於大漢。而欣戴
高祖。高祖膺籙受圖。順天行誅。杖朱旗而建大號。所推必亡
所存必固。掃項軍於垓下。繼子嬰於軹塗。因秦宮室。據其府
庫。作洛之制。我則未暇。是以西匠營宮。日翫阿房。規摹踰溢。
不度不臧。損之又損。然尚過於周堂。觀者狹而謂之陋。帝已

譏其泰而弗康。且高既受命，建家造我區夏矣。文又躬自菲薄，治致升平之德。武有大啟土宇，紀禪肅然之功。宜重威以撫和戎狄，呼韓來享，咸用紀宗存主，饗祀不輟，銘勳彝器，歷世彌光。今捨純懿而論爽德，以春秋所譁而爲美談，宜無嫌於往初。故蔽善而揚惡，祇吾子之不知言也。必以肆奢爲賢，則是黃帝合宮，有虞總期，固不如夏癸之瑤臺，殷辛之瓊室也。湯武誰革，而用師哉？盍亦覽東京之事，以自寤乎！且夫天子有道，守在海外，守位以仁，不恃隘害。苟民志之不諒，何云巖險與襟帶？秦負阻於二關，卒開項而受沛，彼偏據而規小，豈如宅中而圖大？昔先王之經邑也，掩觀九隩，靡地不營，土圭測景，不縮不盈，總風雨之所交，然後以建王城，審曲而勢

泝洛背河，左伊右瀍，西阻九阿，東門于旋，盟津逢其後，太谷通其前，廻行道乎伊闕，邪徑捷乎轘轅，太室作鎮，揭以熊耳，底柱輟流，鐔以大呿，溫液湯泉，黑丹石緇，王鮪岫居，能鼈三趾，處妃攸館，神用挺紀，龍圖授羲，龜書畀姒，召伯相宅，十惟洛食，周公初基，其繩則直，萇弘魏舒，是廓是極，經途九軌，城隅九雉，度堂以筵，度室以几，京邑翼翼，四方所視，漢初弗之宅也。故宗緒中圯，巨猾間豐，竊弄神器，歷載三六，偷安天位，于時蒸民罔敢或貳，其取威也重矣。我世祖忿之，乃龍飛白水，鳳翔參墟，授鉞四七，共工是除，櫜槍旬始，羣凶靡餘，區宇又寧。思和求中，睿哲玄覽，都茲洛宮，日止日時，昭明有融，既光厥武，仁洽道豐，登岱勒封，與黃比崇，逮至顯宗，六合殷昌。

乃新崇德遂作德陽啟南端之特闈立應門之將將昭仁惠
於崇賢抗義聲於金商飛雲龍於春路屯神虎於秋方建象
魏之兩觀旌六典之舊章其內則含德章臺天祿宣明溫飭
迎春壽安永寧飛閣神行莫我能形濯龍芳林九谷八溪芙蓉
覆水秋蘭被涯渚戲躍魚淵游龜螭永安離宮脩竹冬青
陰池幽流玄泉列清鷓鴣秋棲鷓鴣春鳴睚鳩麗黃關關嚶
嚶於南則前殿雲臺餘籬安福諺門曲榭邪阻城洫奇樹珍
果鉤盾所職西登少華亭候修勃九龍之內寔曰嘉德西南
其戶匪雕匪刻我后好約乃宴斯息於東則洪池清籟淶水
澹澹內阜川禽外豐葭菼獻鱉蟹與龜魚供蝸蟻與菱芡其
西則有平樂都場示遠之觀龍雀蟠蜿天馬半漢瑰異譎詭

燦爛炳煥奢未及侈儉而不陋規遵王度動中得趣於是觀
禮禮舉義具經始勿亟成之不日猶謂爲之者勞居之者逸
慕唐虞之茅茨思夏后之卑室乃營三宮布政頒常復廟重
屋八達九房規天矩地授時順鄉造舟清池惟水泱泱左制
辟雍右立靈臺因進距衰表賢簡能馮相觀禋祈禱禳災於
是孟春元日羣后旁戾百僚師師于斯胥洎藩國奉聘要荒
來質具惟帝臣獻琛執贄當觀於殿下者蓋數萬以一爾乃
九賓重臚人列崇牙張鏞鼓設郎將司階虎戟交鍛龍輅充
庭雲旗拂霓夏正三朝庭燎哲哲撞洪鐘伐靈鼓旁震八鄙
軒轅隱旬若疾霆轉雷而激迅風也是時稱警蹕已卜彫輦
於東廂冠通天佩玉璽紆皇組要干將負斧辰次席紛純左

右玉几穆穆而南面以聽矣然後百辟乃入司儀辨等尊卑以班璧羔皮帛之贄既奠天子乃以三揖之禮禮之穆穆焉皇皇焉濟濟焉將將焉信天下之壯觀也乃羨公侯卿士登自東除訪萬機詢朝政勤恤民隱而除其害人或不得其所若已納之於隍荷天下之重任匪怠皇以寧靜發京倉散禁財賚皇僚逮輿臺命膳夫以大饗饗餼浹乎家陪春醴惟醇燔炙芬芬君臣歡康其醉薰薰千品萬官已事而踰勤屢省懋乾乾清風協於玄德醇化通於自然憲先靈以齊軌必三思以顧愆招有道於仄陋聞敢諫之直言聘丘園之耿紱旅束帛之淺淺上下通情式宴且盤及將祀天郊報地功祈福乎上玄思所以爲虔肅肅之儀盡穆穆之禮殫然後以獻精

誠奉禋祀曰允矣天子者也乃整法服正冕帶珩紘紕纒上弁綦會火龍黼黻藻綵鞶厲結飛雲之袷輅樹翠羽之高蓋建辰旒之太常紛焱悠以容裔六玄虬之奔奔齊騰驤而沛艾龍輶華轡金鏤鏤錫方銳左纛鉤膺玉璽鑿聲噦噦和鈴缺缺重輪貳轄疏轂飛軫羽蓋歲蕤葩騷曲莖順時服而設副咸龍旂而繁纓立戈迤曼農輿輅木屬車九九乘軒並轂璫弩重旃朱旄青屋奉引既畢先輅乃發鸞旗皮軒通帛結旆雲罕九旂關戟轆轤鬣髦被繡虎夫戴鷩駘承華之蒲梢飛流蘇之騷殺總輕武於後陳奏嚴鼓之嘈囂戎士介而揚揮戴金鉦而建黃鉞清道案列天行星陳肅肅習習隱隱鞞鞞殿未出平城闕旆已迴乎郊吟盛夏后之致美爰恭敬於

明神爾乃孤竹之管。雲和之瑟。雷鼓鼗。鼗六變既畢。冠華秉翟。列舞八佾。元祀惟稱。羣望咸秩。颺煇燎之炎場。致高煙乎太一。神歆馨而顧德。祚靈主以元吉。然後宗上帝於明堂。推光武以作配。辨方位而正則。五精帥而來摧。尊赤氏之朱光。四靈懋而允懷。於是春秋收節。四時迭代。蒸蒸之心。感物增思。躬追養於廟祧。奉蒸嘗與禴祠。物牲辯省。設其楅衡。毛魚豚胎。亦有和羹。滌濯靜嘉。禮儀孔明。萬籥奕奕。鐘鼓喤喤。靈祖皇考。來顧來饗。神具醉止。降福穰穰。及至農祥。晨止土膏。脉起乘鑿輅而駕蒼龍。介馭間以剡耜躬。三推於天田。修帝籍之千畝。供禘郊之粢盛。必致思乎勤已。兆民勸於疆場。咸懋力以耘耔。春日載陽。合射辟雍。設業設虞。宮懸金鋪。鼗鼓

路。幾樹羽幢。於是備物物有其容。伯夷起而相儀。后夔坐而爲工。張大侯制五正。設三乏。屏司旌并夾。旣設儲乎廣庭。於是皇輿夙駕。輦於東階。以須消啟。明掃朝霞。登人光於扶桑。天子乃撫玉輅。時乘六龍。發鯨魚鏗華鐘。大丙弭節。風后陪乘。攝提運衡。徐至於射宮。禮事展樂。物具王夏。闕騶虞奏。決拾旣次。彫弓斯設。逢餘萌於暮春。昭誠心以遠喻。進明德而崇業。滌饗饗之食欲。仁風行而外流。誼方激而遐鷺。日月會於龍旒。恤民事之勞疚。因休力以息勤。致歡忻於春酒。執鑿刃以袒割。奉觴豆於國叟。降至尊以訓恭。送迎拜乎三壽。敬慎威儀。示民不偷。我有嘉賓。其樂愉愉。聲教布濩。盈溢天區。文德旣昭。武節是宣。三農之際。耀威中原。歲惟仲冬。大閱

西園虞人掌馮光期戒事悉率百禽鳩諸靈囿獸之所同是
謂告備乃御小戎撫輕軒中畋四牡既信且閑戈矛若林牙
旗繽紛迄于上林結徒爲營次和樹表司鐸授鉦生作進退
節以軍聲三令五申示戮斬牲陳師鞠旅教達禁成火烈具
舉武士星敷鵝鶴魚麗箕張翼舒軌塵掩迹匪疾匪徐馭不
詭遇射不翦毛升獻六禽時膳四膏馬足未極輿徒不勞成
禮三畝解不放麟不窮樂以訓儉不殫物以昭仁慕天乙之
弛罟因教祝以懷民儀姬伯之涓陽失熊羆而獲人澤浸昆
蟲威振八寓好樂無荒允文允武薄狩于敖既瑣瑣焉岐陽
之蒐又何足數爾乃卒歲大讎毆除羣獮方相秉鉞巫覡操
刻倂子萬童丹首玄製桃弧棘矢所發無臬飛礮雨散剛瘳

必斃焯火馳而星流逐赤疫於四裔然後凌天池絕飛梁捐
魑魅斯獷狂斬蛟蛇腦方良凶耕艾於清泠溺女魃於神潢
殘夔魑與罔象殪野仲而殲游光八靈爲之震懼况魃與
畢方度朔作梗守以鬱壘神荼副焉對操索葦日察區陳司
執遺鬼京室密清罔有不肆於是陰陽交和庶物時育卜征
考祥終然允淑乘輿巡乎代嶽勸稼穡於原陸同衡律而一
軌量齊急舒於寒燠省幽明以黜陟乃反旆而迴復肇先帝
之舊墟慨長思而懷古俟閭風而西遐致恭祀於高祖既春
游以發生敬諸蠶於潛戶度秋稼以收成觀豐年之多稔嘉
田畷之匪懈勤致賚于九扈左瞰陽谷右睨玄圃眇天末以
遠期規萬世而大羣且歸來以釋勞膺多福以安念總集瑞

命備致嘉祥。園林氏之騶虞。擾澤馬與騰黃。鳴女牀之鸞鳥。舞丹穴之鳳皇。植華平於春圃。豐朱草於中唐。惠風廣被。澤洎幽荒。北燠丁令。南諧越裳。西包大秦。東過樂浪。重舌之人。九譯僉稽首而來王。是故論其遷邑。易京則同規乎殷盤。改奢卽儉。則合美乎斯干。登封降禪。則齊德乎黃軒。爲無爲事。無事永有民。以孔安。遵節儉。尚素樸。思仲尼之克己。履老氏之常足。將使心不亂。其所在日不見。其可欲。賤犀象。簡珠玉。藏金於山。抵璧於谷。翡翠不裂。璚瑁不族。所貴惟賢。所寶惟穀。民去末而反本。咸懷忠而抱懇。于斯之時。海內同悅。曰吁。漢帝之德馨。侯其禕。而蓋冀英爲難。蒔也。故曠世而不覲。惟我后能植之。以至和平。方將數諸朝。階然則道胡不懷。化胡

不柔聲與風翔。澤從雲遊。萬物我賴。亦又何求。德寓大覆。輝裂光燭。狹三王之趨。起軼五帝之長驅。踵二皇之遐武。誰謂駕遲而不能屬。東京之懿末。罄值余有犬馬之疾。不能究其精詳。故粗爲賓言。其梗槩如此。若乃流遁忘反。放心不覺。樂而無節。後離其戚。一言幾於喪國。我末之學也。且夫學研之智。守不假器。况慕帝業。而輕天位。瞻仰二祖。厥庸孔肆。常翹翹以危懼。若乘奔而無轡。白龍魚服。見困豫且。雖萬乘之無懼。猶怵惕於一夫。終日不離於輜重。獨微行其焉。如大君人者。鞋纊塞耳。車中不內顧。珮以制容。鑿以節塗。行不變玉。駕不亂步。却走馬以糞車。何惜騶裊與飛兔。方其用財。取物常懼。生類之殄也。賦政任役。常畏人力之盡也。取之以道用之。

以時山無槎枿。畝不虞胎。草木繁無。鳥獸阜滋。民忘其勞。樂輸其財。百姓同於饒衍。上下共其雍熙。洪恩素蓄。民心固結。執義顧主。夫懷貞節。忿姦慝之于命。怨皇統之見替。玄謀設而陰行。合二九而成。譎登聖皇。於天階。章漢祚之有秩。若此。故王業可樂焉。今公子尙好勸民。以愉樂。忘民怨之爲仇也。好殫物。以窮寵。忽下叛而生憂也。夫水所以載舟。亦所以覆舟。堅冰作於履霜。尋木起於蘖。栽昧且不顯。後世猶忘。况初制於甚泰。服者焉能改。裁故相如。壯上林之觀。揚雄騁羽獵之辭。雖系以頽墻。填澗亂以收。旨解衆卒。無補於風。規祇以昭其愆。尤臣濟參。以陵君。忘經國之長基。故函谷擊柝於東。西朝廷顛覆。而莫持。凡人心是所學。體安所習。鮑肆不知其

臭。翫其所以先人。咸池不齊。度於鼂咬。而衆聽者惑。疑能不惑者。其唯子野乎。客旣醉於大道。飽於文義。勸德畏戒。憂懼交爭。罔然若醒。朝疲夕倦。奪氣褫魄。鬼之爲者也。忘其所以爲。談失其所以爲。夸良久。乃言曰。鄙哉予乎。習非而遂迷也。幸見指南於吾子。若僕所聞。華而不實。先生之言。信而有徵。鄙夫寡識。而今而後。乃知大漢之德馨。成在於此。昔常恨三墳五典。旣泯。仰不覩炎帝。帝魁之美。得聞先生之餘論。則大庭氏何以尚茲。走雖不敏。庶斯達矣。

南都賦

張衡

於顯樂都。旣麗且康。陪京之南。居漢之陽。割周楚之豐壤。跨荆豫而爲疆。體爽垺以閑敞。紛郁郁其難訢。爾其地勢則武

淡隨波。其水則開寶灑流。浸彼稻田。溝澮脈連。堤陸相結。朝
雲不興。而灑潦獨臻。決滌則壤爲漑。爲陸。冬稼夏稱。隨時代
熟。其原野。則有桑漆麻。芋菽麥稷黍。白穀蕃庶。翼翼與與。若
其園圃。則有蓼葢蕘荷。諸蔗薑薑。務萸芋瓜。乃有櫻梅山楮。
侯桃梨栗。樽棗若榴。穠橙邵橘。其香草。則有薜荔蕙若。薇蕪
蓀萋。晻曖蒨蒨。含芬吐芳。若其厨膳。則有華薌重和。滢皁香
杭。歸鴈鳴鷄。黃稻鱸魚。以爲芍藥。酸。甜。滋味。百種。千名。春卵
夏筍。秋韭冬菁。蘇葑紫萁。拂徹羶腥。酒則九醞。甘醴。十旬。兼
清醪。敷徑寸。浮蟻若萍。其甘不爽。醉而不醒。及其糾宗。綏族。
禴祠蒸嘗。以速遠朋。嘉賓是將。揖讓而升。宴于蘭堂。珍羞環
耳。充溢圓方。珠瑤狎獵。金銀琳琅。侍者黠媚。巾幘鮮明。破服

雜錯。履躡華英。儼不齊敏。受爵傳觴。獻酬既交。率禮無違。揮
琴擲箏。流風徘徊。清角發徵。聽者增哀。客賦醉言。歸主稱露。
未晞。接歡宴於日夜。終愷樂之令儀。於是暮春之禊。元巳之
辰。方軌齊軫。放于陽瀕。朱帷連網。耀野映雲。男女妓服。駱驛
繽紛。致飾程蠶。僂紹便娟。微眇流盼。蛾眉連卷。於是齊僮唱
兮。列趙女坐。南歌兮起。鄭舞白鶴飛兮。蘭曳緒脩袖。繚繞而
滿庭。羅襪躡蹠。而容與翩翩。絲其若絕。眩將墜而復舉。翹遙
遷延。蹴躡踟躕。結九秋之增傷。怨西荆之折盤。彈箏吹笙。更
爲新聲。寡婦悲吟。鷓鴣哀鳴。坐者悽歎。蕩魂傷情。於是羣士
放逐。馳乎沙場。驟驥齊鑣。黃間機張。足逸驚騰。鋌折毫芒。俯
貫魴鱖。仰落雙鷁。魚不及竄。鳥不暇翔。爾乃撫輕舟兮。浮清

池亂北渚。今揭南涯。汰瀧瀾。今船容裔。陽侯澆兮掩。鳧鷖追
水豹。今鞭蝮螭。憚夔龍。今怖蛟螭。於是日將逮昏。樂者未荒。
收歡命駕。分背迴塘。車雷震而風厲。馬鹿超而龍驤。夕暮言
歸。其樂難忘。斯乃游觀之好。耳目之娛。未覩其美者。焉足稱
舉。夫南陽者。真所謂漢之舊都也。遠世則劉后甘。厥龍醢。視
魯懸而來遷。奉先帝而追孝。立唐祀於堯山。固靈根於夏葉。
終三代而始蕃。非純德之宏圖。孰能揆而處。旃近則考侯思
故。匪居匪寧。穢長沙之無樂。歷江湖而北征。矧朱光於白水。
會九世而飛榮。察茲邦之神偉。啟天心而寤靈。於是宮室則
有園廬。舊宅隆崇。崔嵬御房。穆以華麗。連閣煥其相微。聖皇
之所逍遙。靈祇之所保綏。章陵鬱以青蔥。清廟肅以微微。皇

祖歆而降福。彌萬祀而無衰。帝王臧其擅美。詠南音以顧懷。
且其君子弘懿。明獻允恭。溫良容止。可則出言。有章進退。屈
申與時。抑揚方今天地之睚刺。帝亂其政。豺虎肆虐。真人革
命之秋也。爾其則有謀臣武將。皆能攫戾執猛。破堅摧剛。排
捷陷扁。躡蹠咸陽。高祖階其塗。光武攬其英。是以關門反距。
漢德久長。及其去危乘安。視人用遷。周召之儔。據鼎足焉。以
庀王職。搢紳之倫。經綸訓典。敷納以言。是以朝無闕政。風烈
昭宣也。於是乎鯁齒眉壽。鮒背之叟。皤皤然被黃髮者。喟然
相與歌曰。望翠華兮歲蕤。建太常兮徘徊。駟飛龍兮駉駉。振
和鑿兮京師。總萬乘兮徘徊。按平路兮來歸。豈不思天子南
巡之辭者哉。遂作頌曰。皇祖止焉。光武起焉。據彼河洛。統四

海焉。本枝百世。位天子焉。永世克孝。懷桑梓焉。真人南巡。覩舊里焉。

三都賦序

左思

蓋詩有六義焉。其二曰賦。揚雄曰。詩人之賦。麗以則。班固曰。賦者古詩之流也。先王採焉。以觀土風。見綠竹猗猗。則知衛地淇澳之產。見在其版屋。則知秦野西戎之宅。故能居然而辨。八方然相如。賦上林。而引盧橘夏熟。揚雄賦甘泉。而陳玉樹青蔥。班固賦西都。而歎以出比目。張衡賦西京。而述以游海。若假稱珍性。以爲潤色。若斯之類。匪啻於茲。考之果木。則生非其壤。校之神物。則出非其所。於辭則易爲藻飾。於義則虛而無徵。且夫王卮無當。雖寶非用。侈言無驗。雖麗非經。而

論者莫不詆訐其研精作者。大氏舉爲憲章。積習生常。有自來矣。予旣思摹二京。而賦三都。其山川城邑。則稽之地圖。鳥獸草木。則驗之方志。風謠歌舞。各附其俗。魁梧長者。莫非其舊。何則。發言爲詩者。詠其所志也。升高能賦者。頌其所見也。美物者。貴依其本。讚事者。宜本其實。匪本匪實。覽者奚信。且夫任土作貢。虞書所著。辨物居方。周易所慎。聊舉其一隅。攝其體統。歸諸詰訓焉。

蜀都賦

有西蜀公子者。言於東吳王孫曰。蓋聞天以日月爲綱。地以四海爲紀。九土星分。萬國錯峙。嶠函有帝王之宅。河洛爲王者之里。吾子豈亦曾聞蜀都之事歟。請爲左右揚摧。而陳之。

夫蜀都者蓋兆基於上世開國於中古廓靈關而爲門包玉
壘而爲宇帶二江之雙流抗峨眉之重阻水陸所湊兼六合
而交會焉豐蔚所盛茂八區而菴藹焉於前則跨躡健并枕
倚交趾經途所亘五千餘里山阜相屬含谿懷谷岡巒糾紛
觸石吐雲鬱益益以翠微崩巍巍以峨峨干青霄而秀出舒
丹氣以爲霞龍池瀉瀑潰其隈漏江伏流潰其阿沮若湯谷
之揚濤沛若濛汜之涌波於是乎叩竹緣嶺茵桂臨崖旁挺
龍目側生荔枝布綠葉之萋萋結朱實之離離迎隆冬而不
凋常擘擘而猗猗孔翠羣翔犀象競馳白雉朝雒猩猩夜啼
金馬騁光而絕景碧雞儵忽而曜儀火井沈燄於幽泉高燭
飛燭於天垂其間則有虎珀丹青江珠瑕英金沙銀礫符采

彪炳暉麗灼爍於後則却背峯容北指崑崙緣以劔閣阻以
石門流漢湯湯驚浪雷奔望之天迴卽之雲昏水物殊品鱗
介異族或藏蛟螭或隱碧玉嘉魚出於丙穴良木攢於褒谷
其樹則有木蘭棧桂杞櫛椅桐櫻材楔樅榎柗幽藹於谷底
松柏蒼鬱於山峯擢脩幹竦長條扇飛雲拂輕霄羲和假道
於峻岐陽鳥廻翼乎高標巢居棲翔聿兼鄧林穴宅奇獸巢
宿異禽熊羆咆其陽鵬鸚鵡其陰後狄騰希而競捷虎豹長
嘯而永吟於東則左緜巴中百濮所充外負銅梁於宕渠內
函要害於膏腴其中則有巴菽巴戟靈壽桃枝樊以菹圃濱
以鹽池蠍蜃山棲鼃龜水處潛龍蟠於沮澤應鳴鼓而興雨
丹沙葩熾出其坂蜜房郁毓被其阜山圖采而得道赤舂服

而不可朽若乃剛悍生其方風謠尚其武奮之則賓旅翫之則
渝舞銳氣劇於中葉躋容世於樂府於西則右挾岷山涌瀆
發川陪以白狼夷歌成章垌野草昧林麓黝霍交讓所植蹲
鷗所伏百藥灌叢寒卉冬馥異類多夥于何不育其中則有
青珠黃環碧罌芒消或豐綠萸或蕃丹椒蘼蕪布灌於中阿
風連莖蔓於蘭皋紅葩紫飾柯葉漸苞敷榮歲蕤落英飄颻
神農是嘗盧附是料芳追氣邪味蠲癘瘳其封域之內則有
原隰墳衍通望彌博演以潛沫浸以縣洛漚沬散疆里綺
錯黍稷油油稷稻莫莫指渠口以爲雲門灑滌池而爲陸澤
雖畢星之滂沱尚未齊其膏液爾乃邑居隱賑夾江傍山棟
宇相望桑梓接連家有鹽泉之井戶有橘柚之園其園則有

林檎枇杷橙柿榑棹檉桃函列梅李羅生百果甲宅異色同
榮朱櫻春熟素柰夏成若乃大火流涼風厲白露凝微霜結
紫梨津潤楸栗罅發蒲桃亂潰石榴競裂甘至自零芬芳酷
烈其圃則有蒟蒻茱萸瓜疇芋區甘蔗辛薑陽蔭陰敷日往
非薇月來扶疎任土所麗衆獻而儲其沃瀛則有攢蔣叢蒲
綠菱紅蓮雜以蒹藻採以蘋繁總莖柅柅裒葉蓁蓁蕝實實時
味王公羞焉其中則有鴻儔鵠侶鷺鷥鴉鵲晨鳧旦至候鴈
銜蘆木落南翔冰泮北徂雲飛水宿唼吭清渠共浚則有白
龜命鼈玄獺土祭鱸鮪鱗魴鯉鱧鯨鱒差鱗次色錦質報章
躍濤戲瀨中流相忘於是乎金城石郭兼而中區旣麗且崇
實號成都闢一九之通門畫方軌之廣塗營新宮於爽塏擬

竹園式

文選正統卷之十一

承明而起廬。結陽城之延閣。飛觀射乎雲中。開高軒以臨山。列綺窻而瞰江內。則議殿爵堂。武義虎威。宣化之闕。崇禮之闈。華闕雙遶。重門洞開。金鋪交映。玉題相暉。外則軌躅八達。里開對出。比屋連甍。千廡萬室。亦有甲第當衢。向術壇宇。顯敞高門。納駟庭。扣鐘磬堂。撫琴瑟。匪葛匪姜。疇能是恤。亞以少城。接乎其西。市廛所會。萬商之淵。列隧百重。羅肆巨千。賄貨山積。纖麗星繁。都人士女。袿服靚粧。賈貿帶鬻。舛錯縱橫。異物詭譎。奇於八方。布有橦華。麪有杭榔。叩杖傳節。於大夏之邑。菡醬流味。於番禺之鄉。輿輦雜沓。冠帶混并。累轂疊跡。叛衍相傾。誼譁鼎沸。則咙聒宇宙。囂塵張天。則埃壒曜靈。闕闡之裏。伎巧之家。百室離房。機杼相和。貝錦斐成。濯色江波。

黃潤比筒。篋金所過。侈侈隆富。卓鄭埒名。公擅山川。貨殖私庭。藏錫巨萬。鈔規兼呈。亦以財雄。翁習邊城。三蜀之豪。時來從百兩。若其舊俗。終冬始春。吉日良辰。置酒高堂。以御嘉賓。金罍中坐。肴核四陳。觴以清醪。鮮以紫鱗。羽爵執競。絲竹乃發。巴姬彈絃。漢女擊節。起西音於促柱。歌江上之飄厲。紆長袖而屢舞。翩躚躑以裔裔。合樽促席。引滿相罰。樂飲今夕。一醉累月。若大王孫之屬。卻公之倫。從禽於外。巷無居人。並乘驥子。俱服魚文。玄黃異校。結駟繽紛。西踰金隄。東越玉津。朔別晦期。匪日匪旬。楚踏蒙籠。涉躡寥廓。鷹犬倏呻。尉羅絡幕。毛羣陸離。羽族紛泊。翕響揮霍。中網林薄。屠麋麋。剪旄。

文虵跨彫虎志未騁時欲晚追輕翼赴絕遠出彭門之闕馳
九折之坂經三峽之崢嶸躡五峴之蹇澹或食鐵之獸射
毒之鹿晶獅泯於萋草彈言鳥於森木拔象齒戾犀角鳥
鰐獸廢足始而竭來相與第如滇池集乎江洲試水客
舟媁江婁與神游菴翡翠釣鱣鮪下高鵠出潛蚌吹洞
簫發櫂詎感鱣魚動陽侯騰波沸涌珠貝沈浮若雲漢
含星而光耀洪流將饗獠者張帟幕會平原酌清醕割
芳鮮飲御酣賓旅旋車馬雷駭轟轟闐闐若風流雨散漫
乎數百里之間斯蓋宅土之所安樂觀聽之所踊躍也焉
獨三川爲世朝市若乃卓犖奇譎倜儻罔已一經神恢
緯人理遠則岷山之精上爲井絡天帝運期而會昌景
福盼蠻而興作碧出萇弘之

血鳥生杜宇之鬼妄變化而非常嗟見偉於疇昔近則
江漢炳靈世載其英蔚若相如矚若君平王褒擘擘而
秀發楊雄含章而挺生幽思綯道德摛藻揆天庭考四海
而爲禺當中葉而擅名是故游談者以爲譽造作者以爲
程也至乎臨谷爲塞因山爲障峻阻陸圻長城豁險吞若
巨防一人守隘萬夫莫向公孫躍馬而稱帝劉宗下輦而
自王由此言之天下孰尚故雖兼諸夏之富有猶未若茲
都之無量也

